



Miss Aruba International 2008, srta. Nuraisa Lispiër cu photoshooting

Esaki como parti di su preparacion pa bay representa Aruba na Japon y China na Oktober venidero

Alavez e ta probecha pa gradici esnan cu a yud’e durante evento di Miss Aruba 2008

STA. CRUZ --- Ya caba ta algun siman atras cu e certamen Miss Aruba 2008 a yega na su fin, srta. Nuraisa Lispiër, finalista di e certamen a keda apunta pa Star Promotion pa e bay representa Aruba na e certamen Miss International 2008. Un certamen cu den pasado Aruba a keda como 1a finalista, den representacion di srta. Alexandra Ochoa. Awor ta toca turno na Nuraisa pa purba alcanza e meta aki atrobe. Esaki ta algun di Nuraisa su potretnan oficial cu e lo usa pa su participacion.

Alavez Nuraisa kier probecha y gradici tur esnan cu a yud’e durante e certamen di Miss Aruba 2008:

“Ami, Nuraisa Lispiër kier a tuma e espacio aki pa gradici tur hende cu a yuda den un manera of otro pa mi yega den e Top 3 finalistanan di Miss Aruba 2008 y bay representa nos isla na Miss International 2008. Na prome lugar mi kier a gradici Hendrik “Endy” Croes pa tabata mi pilar durante full e competencia y preparacion di Miss Aruba. Endy, bo tabata mi coach, mi sponsor, mi steunpilaar y mi tur cos durante e preparacion pa Miss Aruba 2008. Mi mama Nurys Kock y mi tata Dindo Lispiër pa a complace mi den tur cos cu nan tabata por pa mi participacion.

Mi famia completo y di Endy, boso a ROCK! Tante Mei un special thanks pa yena mi cu paz pa mi sigui cu positivismo durante mi participacion! Monique Kuiperi-van Embden, Presidente di Fundacion Autismo Aruba, danki pa a tuma mi como boso representante y yuda mi cu tur loke mi tabata tin mester! Zuleika Wever-Hernandez te dia di awe e ta e persona cu mas a apoya mi y yuda mi den full mi preparacion pa e proyecto social! Zuleika, mitar di e trofeo ta di bo! Danki na bo famia pa a sinta oranan cu mi anochi pa scucha mi bisa mi speech manera 100 biaha tambe □!

Dr. Karin Hermans, Martha Echevery, Siomara Everon, Raymir Dijkhof, Joanne Kelly, Nathan Kelly, Zuleika Wever-Hernandez y Monique Kuiperi, danki pa e tremendo cooperacion pa e programanan di television! Na e resto di miembronan di directiva di Fundacion Autismo Aruba y Thaisse Erasmus tambe danki. Danki na Tele Aruba: Robert Kelly, Marc Anthony Giel, Dino Tromp, Urig Feliciano, Demetrio Maduro, Albino Tromp, Landray Asencion y Nino Croes. Danki pa a confia den mi proyecto! Ryan Maduro, danki pa e extra tip cu mi mester a tene cuenta cu ne!

Promocion, promocion promocion! Danki Bon Dia Aruba, Diario, Solo di Pueblo, Awemainta, Ivo Yanez y Canal 90, Ruben Garcia y Magic FM y tambe Jerrino Ridderstap y Top FM pa

a duna mi espacio pa promove y splica mi proyecto social! Boso tur a contribui cu mi proyecto a sali como esun ganador! Ronchi de Cuba, Martin Acosta, Verena Lian, Greta Lacle, Adriana, Adelicia Croes, Sobeia Croes, Rafael de Cuba (pa mi cabey a yega te unda e ta awe), Julio Andrews, Beauty Team, Knock Out Modeling Agency, Trash by Ronchi, Elias y Sra. Frank di Precious Anardey, pa mi participacion boso experticio di beyeza tabata esencial! Mi tabata luci espectacular na cada salida! Y no solamente e anochi final, sino durante full e competencia di Miss Aruba. Hopi danki na boso tur!

Mi billboardnan a bay den 3 bario y esaki ta danki na un sponsor special: RETRACO, mil y un danki! Danki tambe na Omar y Ina Maduro! Danki tambe na FTA na rotonde San Nicolas, cas di famia Henricus na rotonde Seroe Blanco y tambe famia residencia

na Tanki Flip 9. Special thanks tambe pa esun cu a design mi poster cu a keda hopi cute! Danki! Mi friends, Humphrey, Sander, Yvette, Asarelah, Charlene, Ashlyn, Gillain, Erion, Jovi, Yuyu, Elizette, Nicole, Gerard y Shaira, boso a zorg pa boso tey y apoya! Mi ta hopi agradecido na boso! Un special thanks na Mugre-Angelo pa a cana cu mi durante full vakantie y haci tur locual tabata tin mester pa mi curpa luci espectacular riba stage. Danki Maka! Mi mamanan sin dolor Mimi Williams y Mickey Gravenhorst, thanks pa t’ey pa mi.

Mi klasgenoten y E.P.I. Hospitality, danki pa tabata tin e locura dia di mi presentacion oficial!

Juffrouw Caissa pa e aña di conseho y oido pa mi preparacion pa Miss Aruba.

Esnan cu mi a traha cu nan na Venezuela: Diseñador Luis Bracall, Orthodontista



Moises Kaswan, Natalie Padilla, Makiyador Ernesto Lopez y instructora Giselle Reyes, danki pa tur e tips and tricks cu a wordo duna na mi persona y cu a yuda mi cu mi presentacion pa anochi final.

“Atan, mi a alarga mi frase e anochi final ora di contesta?” Danki pa e tipnan!

Dokter Howard van Niel, Marvin v/d Linden y Hernandez Dental Practice, danki pa e tremendo trabaonan haci! Special thanks na mi dushinan, specialmente Kristle Ann Figaroa (Kristal) y Lysandra Donata (Liesje mi Queen of hearts) y e resto di participantenan di Miss Aruba 2008. Kristle y Liesje boso a haci mi dianan na hotel y participacion hopi mas agradabel y super pret! We ruled! Hi hi hi... Y tambe na Fjenka pa tabata un tremendo room mate. Susanita, Ana y Marvel, mi a cansa boso hopi? Hahahaha... Thanks pa tabata ‘waw’ chaperones! Sus, bo lo keda mi chaperone cu mi lo sigui fastidia! Mescos tambe na Marinus, Dennis, Farah y Renny. Danki!

John Freddy Montoya, mi a encanta traha cu bo como mi coreografo y amigo! Hopi danki!

Mi tabata tin mi special queens cu a duna mi tips, tricks, a para bodyguard y a duna mi tur sorto di ayudo cu mi tabatin mester! Buchi, Tracey y Jennyree hopi danki!

Pa bay representa mi país na Miss International mi a ricibi hopi ayudo di Zenny Donata. Thanks pa tur e tipnan! Mi ta priminti di haci mi best pa mi, pa bo y pa henter mi pueblo di Aruba!

Huradonan danki pa a scoge ami pa ta un representante di Aruba den exterior!

Alavez mi kier a desea Dianne y Christina hopi exito na e certamennan cu nan lo representa Aruba na dje!

Ask, believe, receive and be grateful! Mi a puntra Dios pa yuda mi presenta mi mes cu exito y pa mi haya e oportunidad pa representa mi pais den exterior. Mi a kere den mi mes y mi a kere cu e lo pone e personanan corecto den mi caminda y asina sigui pone e personanan cu mi lo tin mester den mi caminda, cual el’a haci y ta sigui haci tambe! Mi a kere firmemente cu e lo guia mi pa mi bay representa nos pais na e eleccion cu mi lo cosecha mas exito y unda mi lo triunfa pa mi pais. Mi a ricibi tur ayudo cu a wordo ofreci na mi cu man habri y mi ta hopi agradecido na Todo Poderoso pa a duna mi bida y e oportunidad di a nace riba nos dushi isla Aruba!

I am very grateful to all of you!”

Nuraisa Carelys Lispiër, Miss International Aruba 2008, Ganador Beyeza Social 2008: Fundacion Autismo Aruba .

